

Cietcieng ngamq gvaq, dienheiq baihnanz lijdwg seiz raeuj seiz nit. Mwh doenghgo lij youq geh raemxmok ninzdoeng caengz singj, goreux gaenq laeglemx youq gij nyefaex ndoqliuliu haenx dok ok makndot. Mbouj rox mbouj nyinh, makndot aen riengz aen okduj angjva. Goreux bauqhawj vunz nyi: Seizcin daengz lo.

Ranzmbanj gou goreux gig lai, gwnz bo、henz rij、haenzdah、gyangdoengh cungj maj miz. Goreux ceiq lanhmaj, lij iq caeuq daxmeh bae bo raemj faexreux daeuj guh donghsuen, gvaqlaeng de cungj rox dok rag maj baenz faex ne! “Miz va mbouj miz mbaw, miz mbaw mbouj miz va; Va mbaw mbouj caemh raen, gode sang geij ciengh”. Vunzmbanj rox aeu geij gawq vah neix daeuj beijingangj goreux. Lij geiq ndaej diuz go 《Lwgminz Bouxcuengh Danqciengq Mauz Cujisiz》ciengq daengz: Vareux hai le hoengz fanh leix, henz Dahnungzsuizhoz singgo hwnj, lwgminz Bouxcuengh danqciengq Mauz cujisiz……Daj mwh roxsoq hwnj, moix bi mwh vareux angjhai, sim gou hix angqyangz hwnjdaeu……

Doengh go vareux ranzmbanj, dwg goreux gyaеujmbanj va ceiq lai ceiq hoengz. Ngamq haеuj seizcin, lajgo de couh nauhyied lo, mboujdanh lwnyеz maij youq gizde gip va guhcaemz, bang roegluek、roeggeuq hix maij daеuj “guhcaemz”, gij roeg neix youq gwnz faex diuq bae saet dauq caemz va mbouj dingz. Mwh vareux angjhai ndaej 10 ngoenz baedauq, bungzdaengz miz rumz ci daeuj, vareux couh lumj aen loekrumz nei baenqliklik doek roengzdaеuj, bang lwnyеz dou couh doxciengj bae gip va, gip daeuj guh daengloengz、guh lujgaeq、guh aengienq.

Goreux youq baihnanz guek raeuz cix miz. Seizneix Gvangcough Si、Banhceihvah Si、Daizvanh Gauhyungz Si sam dieg neix lij aeu vareux guh sivah. Aen byauhciz Nanzfangh Hangzgunggh Gunghsw hix dwg vareux. Goreux haengj maj youh sang, dujva de youh hung youh hoengz, ndigah vunz hawj de an mingzcoh he heuhguh “vayinghyungz”. Gou cazyawj gvaq sw hliu, Handai gaenq miz saw geiqdaengz vareux. Aen mingzcoh “vayinghyungz” neix dwg Cinghcauz cauxok. Lij geiq ndaej mwh lij iq

saonjwotz

Vareux Hoengzfwdfwd

木棉花开红艳艳

□ Luz Yuzganh/ 陆如刚



bouxgeq lwnh gojgaeq vareux: Mwh Baeuqroxdox ngamq cauxok mbwndeih, aenmbwn lij daemqded faexsax daemj ndaej deng, doenghgo hix maj mbouj sang, vareux hix mbouj dwg saekhoengz. Dieg Lingjnanz miz daeg mbauq ndangcangq hwetmaengh he, rengz hung gah duzvaizdaeg, hoenxciengq maenh’ ak raixcaix. Miz baez he, de daiq bing bae hoenxciengq seiqcib gouj ngoenz, doeklaeng iekbaeg gvaqbouh, ngaiz vunzdig gaemh lo. Vunzdig dawz de cug youq goek goreux, bik de douzyangz, hoeng de dingigengz daengz daej, doeklaeng deng vunzdig gaj dai youq laj goreux, lwed de dawz namh seiqhenz nyumx hoengz liux. Daj bide hwnj, vareux bienqbaenz saekhoengz lo, goreux hix yied maj yied sang, dingj dwk aenmbwn hwnj gwnzsang bae youq. Doeklaeng vunzbiengz naеuz saek vareux hoengzfwdfwd dwg lwed bouxyinghyungz nyumx baenz, goreux sangvauvau dwg ndangngaeuz bouxyinghyungz.

Seizneix, saedceij raeuz ngoenz beij ngoenz ndei, vunz haengj aeu gak yiengh va daeuj canggyaeu diegyouq, ndaw gunghyenz ciengzseiz baijok gak cungj va. Hoeng gou roxnyinh gij va neix unqnyieg lai, aeu vunz rwed raemx ganqhoh cix maj. Gij va neix baenzlawz beij ndaej vareux ne? Mwnz yawj, gwnz dat、laj langq、henz rij cungj miz goreux. Vareux mbouj lau nit, mbouj yungh vunz rwed raemx ganqhoh, mbouj yungh mbawheu daeuj doxbaengh. Mwh de angjhai, dujduj venj youq byaifaex lumj bogfeiz、lumj daengloengz、lumj singhajgak. Vareux hawj vunzbiengz daiq daeuj heiq seizcin, daiq daeuj gingj gyaеundei seizsin. Gij gingj gyaеundei neix mbouj lau fwn rwed ndit dak caeuq loenqsaek, de hawj vunz roxnyinh sengmingh dwg yiengh mbouj dingz mbouj duenh he!

Youq ranzmbanj, sinzcin vadauz、vamaenj hix daeuj ndaej caeux, hoeng gyoengqde noix gij heiqseiq hungmbwk haenx, gyoengqde baenz benq

baenz caz cix yinx ndaej lwgda vunz, dauqdwg goreux youh hung youh sang gamqgvaq seiqhenz, mwh vareux hai caez, ndwn youq laj goek roxnyinh de angj hoengz mbiengj mbwn, hawj vunz yawj mbouj rox mbwq. Mbouj miz yiengh va lawz lumj vareux, doekroengz laj go saek lij hoengz yienghgaeuq, gaenqva youh bienqbaenz makgvak, ndaw miz faiqreux, cauxfuk vunz biengz. Neix couhdwg yiengh bonjsaek “vayinghyungz”!

Dieguengh dwg baihnanz guekcoj, ciuhgeq gvaqdaеuj, dieg goreux haengj maj neix couh ok bouxyinghyungz lai raeuh: Nungz Cigauh、Vajsifuhyinz、Ginz Cunhsenh bohlgw、Fungz Swjcaiz、Liuz Yungjufuz、Luz Yungzdingz、Veiz Bazginz、Veiz Gozcingh doengh boux yinghyungz. Gij ndangngaeuz ronghsag gyoengqde lumj goreux nei sangvitvit, hawj vunz ciengxlwenx geiq ndaej.

Yawjraen vareux, gou couh siengj daengz seizcinz, siengj daengz seizcin, gou youh siengj hwnj bi 1979 mwhde.

Bide vih dingjhoenx vunzdig daeuj ciemq dieg guekcoj, baenz cien gvaq fanh lwgcoz youq dieg baihnanz vutmingh bonjfaenh. Seizneix gwnz vangjloz “Dezhez Segih” daeng miz gij faenzcieng hoenxciengq, lumj 《Vareux Vihmaz Baenz Hoengz》、《Vareux Ngaiz Lwed Nyumx Haenx》, gij faenzcieng neix cungj dwg dauqngeix ciengz hoenxciengq 30 lai bi gonq haenx. Gou geiq ndaej ndawde miz duenh vah he: Bi 1979–1985, vih mbouj hawj vunzdig daeuj ciemq saek conq namh baihnanz guekcoj, bang vunzcoz he ‘ciengxlwenx ninz’ youq lajgo faexreux dieg baihnanz. Gyoengqde dingz lai lij dwg 18、19 bi, gyoengqde yungh lwed nyumx hoengz diegnamh baihnanz guekcoj, dwg miz gij lwed neix daeuj rwed, vareux dieg baihnanz cix hai ndaej hoengzfwdfwd……

Dwg ha, yiengh goreux sangvitvit couh lumj bouxbing nei, fwngz gaem cungq hensouj aendou hung baihnanz guekcoj; yiengh vareux hoengzfwdfwd lumj naed singhajgak gwnz mauh gyoengqde, youq laj ndit lwenqmyagmyag.

Ndwensam bak va ceng hai, vareux hai ndaej hoengz lumj feiz. Raeuz ciengxlwenx geiq maenh gij gojgaeq vareux hoengzfwdfwd neix!

15、Cangdauj Gvangqlangh Ndaem Gofoad

Bi 1962 ndwen 11 co, Veiz Gozcingh ngamq laebdaeb ndaej senj guh Gvangjsih Bouxcuengh sweigih daihngaih baez daiyauj daihhoih daihit suhgi, de gipmuengz bae daengz Yilinz Digih, caemhcaiq caeuq gij goengdaеuz Yilinz Digih Veiz Suveih、Cangh Yungzlinz guhdoi h, bae daengz Yungzyen liujgaij gij cingzgvang gyoengqde sawq ndaem gofoed baenzgoeng haenx.

Mwh hoenxciengq, Veiz Gozcingh ciengzseiz youq Vaizbwz、Suhbwz gij dieg neix hoenxciengq, gvaqlaeng youh bae baihnanz Suhcouh guh hong, de doiq gij lajmbanj Suh、Vanj seizdoeng ndaem gofoed gig miz yaenqsiengq. Dauq daengz

Veiz Gozcingh Sangcieng Cawjguenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcough Liuz Gingliuj Cioz Siengzzen hoiz

Guengjsae le, de itcig cungj naemj, ndaej mbouj ndaej lumj Suh、Vanj yienghde, gvangqlangh ndaem gofoed daeuj cau h bwnh ne.

Gvaqlaeng, de liujgaij daengz, Yienh Cenzcough dieg baihbak Guengjsae neix, caengz gaijfang couh ndaem gofoed, vunzmbanj naеuz: “Naz mbouj miz bwnhfoed, diuzhaz

rap raek goj nanz biz”. Seizneix gyoengqde vanzlij ndaem dwk. Diegrangh Gveiqnamz, 50 nienzdaih co sawq ndaem gvaq nywjvahoengz dingz gofoed go duh neix, aenvih ndaemganq gisuz mbouj gvaqgvau, saetbaih lo. Boux vunzhong gohyoz nungzyez guek raeuz, youq ndaw saw de naеuz, go nywjvahoengz

“diuzgienh cinvaq dwg sezsi 0 doh daengz 8 doh, aeu ndaej 35 ngoenz doxhwnj”. Youq Guengjsae, gij dieg baihnanz gvaq Liujcough le haenx couh mbouj hab gij diuzgienh haenx, ndigah, Gveiqnamz itcig deng dangqguh gaiq “dieggimq” go nywjvahoengz.

(caengz sat)